



Synfocity = 833

mail us at : mzsynfo@gmail.com; mizoramsynod@gmail.com - Phone - 2314648

March 24, 2022

❑ Campus Ministry

Synod Campus Ministry chuan March 18, 2022 (Zirtawpni) khan Kolasib Presbytery huam chhunga Pastor/Minister/Pro. Pastor leh Kohhran tin aiawh mi pakhat pualin 'Tleirawlte Nun kaihhruai kawnga inzirtirna Symposium' Kolasib Vengthlang Kohhran Hall-ah a buatsaih a. Programme hlawk thlak tak hman niin, Resource Person atan T.Upa K. Lalengzama, Laipuitlang leh T.Upa Lalthlamuana Ralte, Tuikual te hman an ni a, Nl. Cindy Lalthanpuui, Tlangnuam hnen aʔangin fakna hla ngaihthlak a ni bawk. He hunah hian mi 49 an tel a ni.

❑ Synod Mission Board leh ram pawn chet velna

♦ *Kumin 2022 February thla thlenga Mission Field hrang hranga ringthar neih dan hetiang hi a ni:*

S.No	Field	Total	S.No	Field	Total
1.	Arunachal & Assam Mission (East)	9	10.	Karbi Anglong	27
2.	Arunachal & Assam Mission (North)	8	11.	Kolkata	221
3.	Arunachal & Assam Mission (West)	15	12.	Lucknow	14
4.	Assam	10	13.	Nepal	17
5.	Barak	6	14.	Odisha	70
6.	Delhi	43	15.	Patna	16
7.	Home Mission North	14	16.	Siliguri	64
8.	Home Mission South	14	17.	Tripura	213
9.	Jharkhand	61	18.	Masihi Sangati	1441
TOTAL					2263

♦ *Evangelism lama zirtirtute inhman dan*

Mission School-a thawktute hi nitina an hna pangngai bakah evangelism-a inhman tura beisei an nih angin Kohhran mite leh ringlote in tlawh leh Chanchin ʔha hril hna thawkin an vak chhuak ve reng a ni. Kum 2021 chhung khan Covid 19 hrileng avangin zalen taka len chhuah theih a ni lo va; mi ina len pawh a zalen lo hle a. Chuti chung chuan Evangelist Teacher-ten an remchan dan ang angin rawngbawlina an chhun zawm a. January - December 2021 chhunga school 61-a zirtirtute evangelism-a an inhman dan report khaikhawmna chu hetiang a ni.

(a) Ring lo in tlawh zat	: 16,418
(b) Ringtu in tlawh zat	: 65,852
(c) Zirlai in tlawh zat	: 53,760
(d) Ring lo titipui zat	: 13,474
(e) Dam lo tlawh zat	: 12,866
(f) Booklet/Tract sem zat	: 5,422
(g) Seeker neih zat	: 492
(h) Baptisma chang zat	: 208

♦ *Jharkhand Mission Field*

March 17, 2022 (Ningani) khan ringthar 2 leh March 19, 2022 (Inrinni) khan ringthar 3 Lal Isua zui turin an inpe a, March 20, 2022 (Pathianni) khan ringthar 3 Lal Isua zui turin an inpe bawk.

Beliadih Preaching Station-ah Northern Evangelical Lutheran Church (NELC) aʔangin mi 1 kan Kohhranah a inpe a, Kalahajor Fellowship-ah Roman Catholic aʔangin mi 1 a inpe bawk.

♦ *Siliguri Mission Field*

March 20, 2022 (Pathianni) khan ringthar 5 Lal Isua zui turin an inpe.

March 23, 2022 (Ningani) khan Kalimpong Biak In thar, Siliguri Field a Biak In lian ber pawl chu hawn a ni a. Chanmari West Hmar Veng Kohhranin a sakna sum an tum sak a ni. Hemi ni vek hian ringthar 28 Lal Isua zui turin an inpe bawk.

♦ **Kolkatta Mission Field**

March 19 & 20, 2022 khan ringthar 76 Lal Isua zui turin an inpe.

♦ **Home Mission South**

March 20, 2022 (Pathianni) khan Sibinasora Tuichawngah ringthar chhungkaw khata an nu ber kohhran dang atanga lawmluh niin a chhungten baptisma an chang nghal bawk.

♦ **Home Mission North**

March 20, 2022 (Pathianni) khan Andermanik Kohhran, Tuipuibari Pastor Bial-ah ringthar 2 Lal Isua zui turin an inpe.

♦ **Arunachal & Assam Mission Field (East)**

March 20, 2022 (Pathianni) khan ringthar 7 Lal Isua zui turin an inpe.

♦ **Arunachal & Assam Mission Field (West)**

March 20, 2022 (Pathianni) khan ringthar 13 Lal Isua zui turin an inpe.

♦ **Assam Mission Field**

March 20, 2022 (Pathianni) khan ringthar 1 Lal Isua zui turin a inpe.

♦ **Odisha Mission Field**

March 20, 2022 (Pathianni) khan ringthar 20 Lal Isua zui turin an inpe.

♦ **Nepal Mission Field**

March 20, 2022 (Pathianni) khan ringthar 6 Lal Isua zui turin an inpe.

♦ **Delhi Mission Field**

March 20, 2022 (Pathianni) khan ringthar 8 Lal Isua zui turin an inpe.

♦ **Karbi Anglong Mission Field**

Mijung Preaching Station Biak In chu sak that hna thawk turin Diphu missionary ten Prosar leh Biak In sak workcamp an nei. Mijung Preaching station-ah hian chhungkaw 8 awmin thahnem an ngai hle a ni.

□ **Chhim Working committee**

Chhim Working committee Field Visit thawh hnihna chu March 15 - 25, 2022 chhung hian neih niin Administrative Secretary hoin Chhim Working Committee member 9 an kal a, bial 11 an tlawh a ni.

□ **Finance**

♦ March 25, 2022 (Zirtawpni) hian Synod Auditor's meet neih a ni dawn a, Auditor's meet hi Auditor tura ruat te tana neih niin kum tina neih thin a ni. Auditor tura ruat te hian Synod hnuai department hrang hrang te an Audit thin a ni.

♦ March 26, 2022 (Inrinni) khan Bawngkawn Shalom Kohhranah Sum vawn dan training neihpu turin Pu Zaihmingthanga Fanai, Upa Lalrosanga Kawlni leh Pu R. Lalbiakdika te an kal ang.

□ **Synod Relief Fund**

Tun hnaia harsatna hrang hrang nei te hnenah Synod Relief Fund atangin hetiang hian chhawmdawlna pek a ni.

S.No	Khua	Pek chhan	Chhungkaw zat	Pek zat
1.	Bawngkawn	Kangmei tuar	8	Rs. 72,000/-
2.	Sairang Dinthar	Damlo	2	Rs. 16,000/-
3.	Phuaibuang	Damlo	1	Rs. 8,000/-
4.	Darlak	Damlo	1	Rs. 8,000/-
5.	Ngopa Chhim veng	Damlo	1	Rs. 5,000/-
			TOTAL	Rs. 1,09,000/-

□ **Synod Social Front**

March 27, 2022 (Pathianni) hmang hian Bial 2-ah Synod Social Front Campaign-in Social Front Campaigner te hetiang hian an kal ang.

Lungleng I Bial - Rev. Rosiamliana Tochwawng
Upa S.R Thanghmingliana
Pu Alan Lalmuanpuia.

Aibawk Bial - Pu R. Lalnuntluanga
Upa C.H Thangkhuma
Upa Dr. Lalrintluanga

- ❑ **Thawktu thar**
Synod Service Board chuan Synod Campus Ministry-a Counsellor hna Contract-a thawk turin Lalrinchhana s/o Lalropuia Chhangte, Bawngkawn a mi chu a la thar a, April 1, 2022 aṅgingin a hna a zawm ang.
- ❑ **Synod Revival**
March 18-20, 2022 chhung khan Operation Nehemia neiin Aizawl leh dai velah Revival Speaker-te group 13-ah inṅhenin mi 1400 chuang hnenah rawngbawlina an nei.
- ❑ **Hruaina Eng FM Radio :**
MARCH 25, 2022 (Zirtawpni) (FM Zoawi - Aizawl & Lunglei @ 7:30 p.m.):

<i>Solo</i>	: Vanlalsailova - Min zui rawh
<i>Zaipawl</i>	: Saiha Presbyterian Bial Zaipawl - I hniakhnung ka zui nang e
<i>Thusawi</i>	: Rev. Vanlalzuata - Lal Isua zui
<i>Solo</i>	: K. Vanlallawmi - Min ṅawngṅai tir rawh
<i>Zaipawl</i>	: Bungkawn Bial Zaipawl - Isua zuiin
- ❑ **Susamachar Prasaran Programme :**
MARCH 27, 2022 (Pathianni) 5:00 pm. :

<i>Group/Choir/Solo</i>	: Venghnuai Kohhran - Aw Akash
<i>Group/Choir/Solo</i>	: Chawnpui Kohhran - Saron Ka Gulab
<i>Testimony</i>	: Basudev Podder
<i>Group/Choir/Solo</i>	: Dawrpui Bial Masihi Sangati - Jaya
<i>Group/Choir/Solo</i>	: Melthum Masihi Sangati - Krista Zara Unau
- ❑ **Moderator leh Executive Secretary-te Programme:**
Rev. Dr. Vanlalnghaka Ralte : Moderator
March 20, 2022 (Zan) Chawnpui Kohhran tlawh
Rev. C. Zoramawia : Senior Executive Secretary
March 28 - April 3, 2022 Zin programme a nei lova, Office-ah a awm ang.
Rev. V.L. Luaia Hranleh : Executive Secretary
March 28, 2022 SEC Sub-Committee
March 29, 2022 Kristian Chhungkaw Campaign, Mission Veng Kohhran
April 1 & 2, 2022 Crusade, Ramthar Tlangveng Kohhran
Rev. Dr. K. Lallawmzuala : Executive Secretary
March 27, 2022 Ramthar Campaign, Saron Veng Kohhran
April 2, 2022 Worship Seminar, Zonuam Bial

D.Th. ZIR TUR ZAWNNA

Mizoram Synod Theological Education Board chuan a hnuai Department tarlanah te hian kum 2023-2024 Session aṅgingin D.Th. zir tur dilna a hawng a.

Synod mi rawih laite zinga dil duhte chuan **April 8, 2022 (Zirtawpni)** aia tlai lovah a hnuai hming ziak hnenah dilna theh luh tur a ni. Diltute chuan Theological Education Marksheet leh Medical Certificate thil tel tur a ni ang.

- | | |
|------------------------------|----------------------|
| 1. New Testament | 3. Missiology |
| 2. Christian Theology | 4. Religion |

Sd/-
Rev. Dr. Tlanghmingthanga
Secretary
Synod Theological Education Board

SYNOD MUSIC SCHOOL ADMISSION CHUNGCHANG

A hnuai tarlan ang hian Synod Music School Mission Veng leh Bawngkawn-ah **Tonic Solfa & Staff Notation Intermediate Course zing 6:30 - 7:30** chhunga zir duhte tan dil theih a ni a. Dil duhte chuan a hnuai tarlante hi hriat nise :-

1. Worship Department, Synod Office atangin dilna form la chhuakin **March 30, 2022 (4:00 pm)** ral hma ngeiin Synod Office-ah thehluh tur a ni.
2. Zirna In hawn a nih hunah class tan tur a ni ang.
3. Dilna-ah mahni awmna Kohhran lehkha thil tel tur a ni.
4. Hriat tur tul dang chu dilna Form-ah tarlan a ni.

Dilna form leh hriat tur tul dang hi Synod Website, www.mizoramynod.org a duhte tan download mai theih a ni e.

Sd/-

Rev. Dr. K. Lallawmzuala
Executive Secretary
i/c Worship

HRIATTIRNA

Pawl XI leh XII zir tur, kum 2022-2023 session atana Presbyterian Hmeichhe Hostel, Kulikawna awm duh tan May 4, 2022 thleng dil theih a ni a. Dilna form hi Synod Office 1st Floor-ah leh Warden, Presbyterian Hmeichhe Hostel, Kulikawnah lak theih a ni.

Interview : May 6, 2022 dar 11am

A hmun : Synod Committee Room No. I (Synod Office)

Sd/-

Rev. V.L. Luaia Hranleh
Executive Secretary
i/c Hmeichhe Hostel

SYNOD BOOKROOM BOOK NEWS FOR THE MONTH OF MARCH 2022

1. Bible Zir Nan Thupui 80: Revd Chuauthuama	Rs. 350/-
2. Zosaphluia Chanchin: SL&PB	Rs. 150/-
3. Operation Nehemia: Rev. K. Rolungmuana	Rs. 100/-
4. Thuhritu Thlarau Mi Tehkhin Thu Bu 2-na: Pastor Bena	Rs. 300/-
5. Tukthuan Bu 1-na: Bawngkawn Kohhran Pavalai Pawl	Rs. 200/-
6. Thih Leh A Hnu Lam: Upa Vanlalrema	Rs. 130/-
7. Synod Revival rawngbawlna: Rev. K. Rolungmuana	Rs. 200/-
8. I Ti Thei: P.C. Lalremruati	Rs. 200/-
9. Khawvel Indopui -II : C. Lalaudinga	Rs. 170/-
10. Chhimbal: B. Hrangthana	Rs. 200/-
11. The Tempest: Nununa Renthlei lehlin	Rs. 100/-
12. A Mid Summer Night's Dream: Nununa Renthlei lehlin	Rs. 100/-
13. Mizo Tawng Inhnial ThinnaTe: Rozama Chawngthu	Rs. 100/-
14. Forget Me Not: R. Laldanglova	Rs. 100/-
15. Hmangaihna Lungkuai: R. Rothangpuii	Rs. 150/-
16. Sudden Takes The Trail: P.L. Liandinga lehlin	Rs. 250/-